



# 津報

光緒三十一年十月二十一日

西歷一千九百零五年十一月十七號

第三十六號 禮拜五

本館開設天津宮北大街路西 電話第三百九十號

本埠 零售每份大洋二枚 每月小洋六角 全年六元  
外埠 全年六元加郵費一元八角 半年三元二角加郵費九角餘同上  
日本 全年六元加郵費一元八角 半年三元二角加郵費九角餘同上  
香港 全年六元加郵費一元八角 半年三元二角加郵費九角餘同上

本報每日每字取洋五釐第二日至第七日每日每字取洋三釐第八日以後每日每字取洋二釐短行五十字起碼長行一百字起碼均取五號字計算用四號字及木戳所佔地位均照五號字算封面加倍 登三個月者八折半年六折長年另議

- ### 外埠代派處
- 北京琉璃廠橋西路口公慎書局
  - 保定府北大街官書局
  - 天津法界大馬路官書局
  - 上海法界大馬路官書局
  - 漢口法界大馬路官書局
  - 長沙府城內官書局
  - 常德府城內官書局
  - 衡陽府城內官書局
  - 廣州府城內官書局
  - 梧州府城內官書局
  - 汕頭府城內官書局
  - 廈門府城內官書局
  - 福州府城內官書局
  - 寧波府城內官書局
  - 杭州府城內官書局
  - 嘉興府城內官書局
  - 紹興府城內官書局
  - 溫州府城內官書局
  - 處州府城內官書局
  - 台州府城內官書局
  - 湖州府城內官書局
  - 嘉善縣城內官書局
  - 西交民巷 卷石橋 順天時報 電話西分局三十五號

### 招聘訪友

本報開辦伊始見聞未廣遠近各埠雖已特約訪友隨時通信但每處僅約定一二人不免挂一漏萬本報紀載新聞力求豐富爲此廣告海內外諸同志有願任本報訪友者請即速寄新聞示明住址以便函訂如能採訪翔實奪各報之先聲必於薪水外特別酬報以副雅誼萬勿吝教爲幸再本館採錄新聞于北京東三省河南湖北及凡鐵路經行之處尤爲特別注重并以奉佈

本館告白

## 津永印書館廣告

印字打樣機器寄售 今有日本東京友人運到大號印字版打樣新機兩部貨物極高價亦克己商由本館寄存代售如有需用願購者請至本館帳房面議可也 本館告白

### 本報徵文告白

本報徵文大意已詳九月十八日報端諸同志有惠寄大著爲本報所登載者每篇贈銀五圓不登者恕不還稿特白

### 中東石印局

本局向在日本開辦多年所有一切印刷工藝無不悉近由日本運到機器來津添選精良工藝兼備上等材料專做一切鉛印石印物件無論字格大小花樣粗細保管顏色鮮明形式完美價值格外從廉定貨日期亦不致誤並售石印機器零件俱全各種洋紙零整批發 倘蒙購辦機器情願將刷印各法傳授除取器價外傳法不取分文所辦各件開列於後 各學堂教科書暨解略 銀行銀號股票各種票單學堂文憑 輿地繪圖人體解剖圖 臨摹古畫及肖像 告白 玩畫 商牌及貼壁各單 各種印花及名片照相金卡紙各種花樣雕刻各樣照相銅版 倘蒙士商購定請至本局面議可也 中東石印局啓

### 湖北大彩票頭彩十萬元本月廿二日開彩

本號運到河南彩票頭彩四萬元每張售洋四元全張分爲八則每則五角五分分於十一月二十九日開彩查前次頭彩係小號售於南斜街宋宅所得定必連中之喜也湖北票仍存無多諸君速購是幸 天津大獅子街衛分設單馬路口公益仁南味坊全啓

### 上海商務印書館專售鉛字銅模印書機器洋紙廣告

本館開設上海棋盤街中市專售各種印書機器及頭三四五六七號全副活字並精製銅模鉛板印字器件一應俱全發兌各色洋紙譯行華英諸字典典學課本各種實學新書精印中西書報各項文件又延請日本東京名手專製電氣照相銅板五彩石印工料精美久已中外馳名如欲辦機器銅模鉛字及託印書報批購書籍洋紙等價目克己以廣招徠此佈

### 上林春酒茶樓新張廣告

本酒樓設於天津法界大馬路官書局對面環境幽雅菜餚精美酒色醇濃特聘名廚主理凡有光顧者請至本酒樓接洽可也 本酒樓告白

### 教育雜誌第九期出版

直隸學務處編輯各書坊均有寄售每冊洋二角全年三元二角



# 本報要目

●十月二十一日第三十六號●  
論說 論俄人之經營中央亞細亞  
譯件 美國關稅政策  
專件 奉天法庫門復善和會章程(再續) △呈請准用秘法化泥爲煤  
要聞 △東撫力爭路權 △練兵處請設製造局 △學部設官紀要 △擬裁國子監之消息 △日僧又擬在北京傳教  
各省新聞 △籌款開辦辦網機廠 △勘視烏龍山營房基地 △永嘉縣招募包探稟批  
各國新聞 △法政府擬選議員 △日俄和約於韓國之關係 △日本東北方收成減色  
奏議 △豫撫陳等奏科舉已停設設尊經館範學堂摺 △直督袁奏常備軍收支款餉報銷摺

## 論說

### 論俄人之經營中央亞細亞 (續)

經畧中央亞細亞之未開地。以魯印度北境而衝英國富庫者。俄人積年之宿志也。近雖傾其全力於極東。而中央亞細亞之經畧。固未嘗須臾忘。何以證之。奧連堡大秀肯鐵道落成一事。俄人之雄圖固已昭然其親矣。當此鐵道未開以前。俄國至阿富汗斯坦之交通。紆迴曲折。轉運不便。有事之際。俄國僅能駐兵於高加索方面。自此鐵道成後。則可循一直線。運兵至阿富汗斯坦。英國印度北境。在在可危。斯防備問題。不得不亟亟講求矣。

英人之於印度領土。向持樂天主義。不甚設備。以爲其東北境有自然之天險。據一夫當關之勝。其西部有阿富汗波斯之鄰。無實逼處此之患。正可省其軍費。恤其國力。雷池一步。自非他人之所敢越也。俄人蹈此罅隙。乃以極東經營之暇。徐伸勢力於中央亞細亞。潛滋暗長。爲最後之預備。請就波斯之方面言之。初時俄人以改良波斯之陸軍爲名。使以俄國軍人。任其訓練。現時波斯軍隊。實不啻在俄國管轄之下。且俄以國庫金。設立波斯銀行。貸金與波斯政府。欲掌握其財政之監督權。當一千九百年間。波斯財政窮乏。募集外債。割引銀行獨力擔保。從英國資本家。借得二千四百萬盧布。嗣於一千九百一十一年。又借得一千六百萬盧布。於是俄國乃與波斯定約。以後其財政上不得仰給他國。又以波斯灣以外之稅關收入。盡償兩次外債。其管理亦歸外國人之手。使比人羅斯氏當其任。而羅斯之方針。常與俄國之希望一致。凡關於俄國輸入品。概與以特別利益。故俄國在波斯之商業。大有壓倒英國之勢。此皆實事之可驗者也。

權卒之不敵俄人。此其故果安在哉。毋亦形勢便利。有以制勝耳。蓋俄人於中央亞細亞陸路。具有控制波斯首都之地位。而英國則否也。加以英政府之外交方針。太形軟弱。而波斯外交界中。於英俄外。更添一德國之利害關係。德國以亞那那利亞鐵道爲根據。更設巴枯大鐵道。欲其終點達於柯威。一千八百七十三年之德波條約有云。波斯將來若與他國紛議。德國當應波斯王之請求。出爲排解。倘此條約施諸事實。則波斯外交界之利。更可慮矣。

俄人滿洲戰敗。多年心血。擲盡無餘。極東出路。全行遮斷。其不能不轉而他圖也。計其著手之處。莫善於中央亞細亞。其必出全力以經營之。又勢之所當然也。英國於此。不能不益增印度守衛。爲先事預防之計。邇來與日本繼續同盟。益擴張其範圍。其意正爲此焉。吾中國者。方當列強競爭之熾。而貪倭殘賊之俄人。一波未平。一波又起。將以三十萬大兵。屯駐於蒙古新疆接壤之地。此其危殆。又豈僅英國之於印度比耶。吾當道曷籌諸。

## 時評

吾中國今有一大問題焉。一日路權。一日礦權。論此二權之放棄。固不自今日始。昔放棄之今爭回之。放棄易而爭回難。夫人知之。然爭回之難。迄乎今日而止。所以難長保此爭回之物。之難。則又即自今爭回之日始也。

雖然厚集資本。云云。照中國目下情形。而論。似非易事。無已。其仍募借外債乎。然前車之覆。不遠。方引以爲戒。苟有欲試行者。輒譁然阻之。有理想而無實行。夫且皇皇然今日言路權。明日言招股。今日派某鉅宦爲總理。明日調某賢員爲董事。吾恐似此無米之炊。雖巧婦亦不能不見絀也。

## 譯件

### 美國關稅政策 (續)

然觀現在託辣斯勢力之強大。並外國貿易之隆盛。即令美國政府及議院。有欲改此保護政策。則彼全美之託辣斯。必同心一致。以施其反抗之運動。此美國之政治家。所以常坐視而優柔不斷也。但今美國之關稅政策。既成歐羅巴諸國之反抗。況如德國。現將實施新關稅。定率法。恐此後美國之製貨。雖一物亦不得輸入。是以推則從事於外國貿易之託辣斯。亦尚何有大利益之足貪乎。且論美國內地貿易之多。全世界均無與其比。今試觀美國鐵道運搬之貨物。比全世界船舶積載

## 專件

### 奉天法庫門復善和會章程(再續)

#### 第七章 會規

本會規條約列左  
一 會中須立會長。會長名簿會議記事簿。會資捐款簿。銀錢出入流水簿。總簿逐一登載。以備考查。  
二 本會爲復善和會。凡在會者。即當顧名思義。洗去舊習。合成一體。方能見諸實行。得收實效。如仍帶從前種種習氣。本會即以犯規論。  
三 無論會中何等人。如所辦非本會宗旨之事。及未經集議之事。均不得謂之會事。會中亦不擔其責任。  
四 凡人品卑劣。及不安本分之人。一概不入。  
五 理事會員經理會事。如有不端。及過事私自推諉。阻撓一經查明。查實量事。罰銀五元至五百元。較重者並須除名。理事會員均以輔首充當。如有虧累其罰款。仍向該鋪號追索。  
六 通常會員名譽會員。除集議時。照章到會議事。外。無事不得滋擾會事。  
七 不論會中何等人。如有瞻徇情面。捏造是非。及依勢凌人。一經聲明。查實。即除名。並量事罰銀一元至一百元。  
八 不論會員。非會員。凡係出納會資者。如確知會中人員。有各項弊病。以及種種劣跡。均可到會聲明。當即開會。查實。照章辦理。如係假借。妄言毀人名譽。按大小罰銀一元至十元。  
九 會議時。如有不遵守第六第八章條。其所言所行。違背公理。破壞公益。及故意喧吵者。輕則罰銀五元至一百元。重並除名。以整會規。  
十 會中如不照第五章第九條。按期將清單刊布。應將經手理事會員。共罰銀五十元。

## 呈請准用秘法化泥爲煤

浙紹餘姚縣職商宋尹慈。投稟撫署。謂能以秘製之藥。化泥爲煤。當奉飭呈商務局考驗。如果所言不謬。誠爲空前絕後之環球一大事業也。其原稟如下。竊維煤泥之說。見於兵界。機要墨泥之說。見於化學。蓋皆出於山脚岸灰。地塘湖溝。溝渠等處。更有出於曠野者。如夷陵。劫灰之類。諸色煤泥。均堪化用。而與利諸名家。從未見過。而問者蓋多。不識格物。家均由是不傳。其秘藏按水之有煤。過於中土。野之有煤。不傳。更險。如化而用之。其便有三。其利有四。易便乎掘。而可取。無穿鑿。一便也。取而得之。清以無質。雖晒可用。二便也。所出之處。無風水之阻。掘有土民之樂。從三便也。易乎水。既深。開灌。溉田。禾早。潦有備。一利也。或養魚。蝦。或種菱。茨。生息。繁滋。二利也。比年來薪價貴。昂。中下之戶。共苦乏用。煤以代薪。就近市民。較爲省便。三利也。現在煤用日廣。需煤日急。各省山井。開採。均未能順銳。官督商辦。難於爲力。有水煤。捷奏其效。習煤。可緩其力。四利也。一利舉而四利俱舉。事雖特創。利實因民。且於時局。不無小補。職平日隨父林泉。專習兵醫。兩學。去年春。奔祖。喪。職父閉門。讀禮。哀泣。屢至。目職。無以解慰。常以時務之學。請今年職服闋。以化泥爲煤。重請於父。父曰。可。小試。即爲爲文。以祭。阿。象。命職。掘起家園。地泥。四噸。餘。并秘製。平。藥。質。五千斤。將藥質。置於泥上。攤晒。五日。即用以代薪。隣。近。聞之。爭購。一空。名曰。宋。煤。職。因藥。質。有餘。欲。思。再。舉。父。止。之。曰。事。利。於。一。家。何。如。共。利。於。一。世。須。稟。請。憲。台。批。示。施行。給。文。知。照。各。處。試。驗。試。辦。先。之以。寶。紹。金。嚴。次。及。於。杭。嘉。湖。等。處。至於。溫。處。台。衛。當。擇。山。煤。之。佳。者。去。其。藥。化。其。性。鍊。其。質。與。水。煤。配合。備。軍。國。之。需。最。爲。適用。果。能。如。法。搜。採。實。力。奉。行。數。年。之內。煤。質。必。宛。絕。一。時。云。云。職。奉。庭。訓。不。敢。有。違。除。擇。人。分。遣。各。處。試。驗。試。辦。外。抱。稟。伏。陳。合。無。仰。懇。恩。轉。示。推行。先行。試。辦。如何。納。稅。之。處。均。請。示。明。以便。遵。守。至於。閩。蘇。兩。省。按。時。度。地。需。煤。更。急。職。現。請。老。成。數。輩。同。職。弟。尹。來。前。往。閩。蘇。察。看。水。煤。如果。煤。泥。堪。旺。即。當。稟。請。開。辦。然。所以。籌。及。閩。蘇。者。蓋。閩。蘇。兩。省。一。軍。國。之。需。用。一。日。難。寬。各。憲。之。移。提。一。電。必。至。泛。舟。之。役。烏。能。已。已。兼。顧。閩。蘇。所以。預。爲。籌。也。爲。此。合。併。聲明。臨。稟。不。勝。戰。慄。之。至。謹。稟。



宮門抄

十月十九日 理藩院 光祿寺 八旗兩翼值日無引  
見 袁世凱謝賞穿帶膝貂褂 恩 唐紹儀到京請  
安並謝署商部左丞 恩 道府許引之等謝 恩 分  
發湖北補用道存壽等謝 恩 聯芳預備 召見 裕  
中堂續假二十一日 召見軍機 聯芳 唐紹儀  
皇上明日辦事後還宮 乾清宮觀見畢還海  
十月二十日京電本日 召見軍機

諭旨

十月二十日京電本日奉  
上諭溥儀等奏邊疆同京隨從人等索擾台站據實糾參一摺  
據稱前科布多參贊大臣瑞澂行李過境需用駝馬至一二  
百隻駝馬至數十架之多所帶巡捕家丁並有折價索銀情  
事等語現在蒙情困苦朝廷方深軫念出巡人員自應深  
明大體格外體恤乃該大臣竟敢肆行擾亂縱令從役人等  
沿途需索實屬荒謬著即行革職發往軍台効力贖罪  
並將瑞澂等金保家丁德化一併交出嚴行懲辦所有索  
取銀兩著溥儀按數追出發還各台站以示懲儆欽此

電報

西十一月十五號柏林來電  
那威選舉新君之事頗見成效現在民間投票者有五分之二  
以選新君為然  
現駐土京奧斯丁各國全權大臣商議遞決戰書於土政府  
大概西十一月二十號將有戰事於派系司地方  
達田士伯爵現已行抵通各爾  
德政府與日政府商議將駐東京德公使授為全權大臣  
奧國鐵路工人罷工作現已漸次平靜  
俄皇現往提提考塞樂地方  
俄首相威特伯爵因各處屠殺猶太人將五省總督俱行革職  
西十一月十五號上海來電  
現海參崴匪徒已漸次勦辦平靜  
西十一月十五號倫敦來電  
在俄都聖彼得堡各工人之代表議員等又決意復行滋事因  
各工人等不認每日工作八小時但伊等聲稱此次罷工亦為  
推廣政治起見現俄國之情形仍然危險  
現在聖彼得堡各工人等於午刻又復作亂並與庫司提井  
波蘭兩處匪徒相聯合除聖彼得堡到莫斯科鐵路之外其餘  
與歐洲各處相連之鐵路俱為梗斷亂勢甚熾現巡警已往瓦  
爾塞拿波蘭為首之人  
德政府擬將藩務大臣司特爾爾授為駐北京公使以代穆默  
另派穆君為駐日本東京全權大臣

要聞

▲▲東撫力爭路權  
日前外部接東撫楊帥電云前有洋人錫貝德來省請辦  
黃台橋至深口鐵路查黃台橋在省東關外深口濱  
臨黃河距省十餘里係將來津浦幹路之地段當已極力駁

阻據錫云如本省自辦即作罷論現正議自建德員斯謂  
與膠約不符并云已電告德使向大部辯論查 膠約祇  
載明膠濟鐵道一處若本省自修此路 何能  
干預請據約向德使辯并現已由瑞記洋行自行購定鐵路  
各件不日與工矣

練兵處請設製造局

練兵處擬請籌款於近畿地面設立機器局數處  
專造槍械子彈以備發給教練之用聞不日即入奏矣

學部設官紀要

設立學部實行已紀昨報茲又訪得該部官制尙書定為滿漢  
各一缺仍以榮慶兩大臣調補其餘侍郎丞參各缺之嚴熙蕃  
于諸君亦與前次各報所載無大出入

擬裁國子監之消息

刻聞政府之意頗以裁併九員之舉為然除各卿寺因尙各有  
典司暫從緩議外惟國子監衙門以此時既有學部及大學堂  
則全國教育機關已別有所注重聞將不日裁去即以該署改  
為學部公署云

日僧又擬在北京傳教

日本僧徒前擬在中國傳布佛教因事中止近來此說復興該  
國西本願寺僧人現又擬在北京就從前日本使館舊址建大  
佛殿以便達其傳布宗教之目的尙未悉政府如何對待也

本埠新聞

●車站紀事○昨紀陸軍由燕湖購辦米一萬餘石已至塘  
沽一節現探悉實係二千五百石由公平輪船載運來津現寄  
屯招商局棧房尙未分運  
△陸軍轉運局派差於十九日由津押運手槍九十五枝往漢  
州交第二鎮應用  
△陸軍第四鎮由馬廠撥精兵五百名武官十二員並帶軍衣  
五百套於十九日到津由巡警局督操官吏都戎帶往北京編  
入巡警隊巡防北京各處  
△北洋軍樂隊哨官王恩有都戎帶樂兵四十名於十九日晉  
京  
△日本陸軍少將福島氏同參謀官一員武官二員於十九日  
由塘沽直往北京又俄國駐津提督亦同晉京  
△出使義國大臣黃欽使昨日由京來津住長春棧二十二  
日準坐新豐輪船赴申  
●南段總局告示○為出嚴禁事查西門外大街迤南等處娼  
窟很多近來本總局訪聞那些娼妓青天白日在門口戲笑引  
動過路的年輕人又在街上游來游去遇見青年的子弟他便  
拉人家的衣襟摘人家帽子勾得那少年無知的人就到他裏  
去了在那些娼妓不過是幾個錢這些學界裏商界裏年輕  
的人觸目動心受其勾引小則廢時失業大則敗檢貽禍關係  
很大所以本總局先出告示教你們以後不准在門口街上勾

引少年子弟一面派分局的官長弁兵隨時查看如果不遵告  
示定然把客主娼妓一并拘送送到總局從重治罪決不寬貸  
特示

巨匪送辦

●巨匪送辦○巨匪王棟搶奪行人布疋并拒捕逃逸昨在軍  
糧城地方被獲當送交南段總局轉送營務處嚴辦

火警定章

●火警定章○有鞋業董事以本埠火警各商向無預備致臨  
時赴救不及現擬預製防火口袋并字號號坎字號燈籠等件  
以免遇事閑人雜入并擬鳴鑼報警等情請由商務總會酌定  
昨商會特轉稟南段總局當蒙批准惟鳴鑼一則祇准鳴鑼傳  
報不得在火場鳴鑼致多不便已於昨日飭書手續具傳單曉  
諭各業及各局區一體遵照

三誌開棺檢驗

●三誌開棺檢驗案○楊家樓開棺檢驗一案兩誌本報茲悉  
昨裴大令又將犯婦王盧氏提訊據供當日做麪包時見張潘  
氏下信石一塊約有一指甲大婦人當時實不知是信石等語  
大令以供詞游移斷難離信飭將該氏仍交官媒看管聽候覆  
訊

遷移電竿

●遷移電竿○東馬路路東所設之電車鐵軌內有礙行車之  
電竿甚多現經電車公司查悉特派工將有礙之電竿一律移  
置電話竿側以防碰撞

京交納昨已過津

●京交納昨已過津○四川藩司委派知縣某君押解白蠟二萬斤赴  
京交納昨已過津

親官受懲

●親官受懲○山東人趙學山以劉景臣欠款不還屢在縣署  
呈控准理在案昨午堂經職員胡大令提訊趙自恃原告在親  
堂任意刁難且敢出言頂撞大令怒責數十板押候再訊以為  
視官長者戒

私鹽被獲

●私鹽被獲○昨初更時有鹽局緝私巡丁一鄉人年約二  
十餘歲聞係販賣私鹽之犯被巡役看破拿獲昨午當力強何  
事不可營生乃食此小利致犯刑係深為該鄉人所不取也

北京新聞

●南洋請地禁○南洋大臣周玉帥日前電達政府云蘇省  
連年禁米出口儲積太多目下日俄戰事已平若再嚴加厲禁  
轉恐穀賤傷農擬請弛禁三月並請照章於出口時抽收穀捐  
以廣商務而益稅餉等語聞已奉 旨著戶部議奏  
●徐尙書赴日不果○前報載徐尙書俟五大臣出洋後即赴  
東洋考查警務一節茲得確實消息云徐尙書現以巡警部規  
模初定一時尙難遠擬奏請李木齋欽使代赴歐美各國兼  
考警務章程電告斟酌辦理  
●豫撫擬聘日人為顧問官○河南巡撫陳後帥日前有電到  
京請仿照鄂省陸軍聘日本武員為參謀之例由汴聘用日員  
為顧問官以資助理  
●擬以外部人員充補有交涉之地方官○各省外交事件日  
繁非有熟諳國際法律之員不足以持大體昨由政府會議以  
後各省凡有洋務交涉地方之府州縣官缺出悉由外務部精  
擇在部辦事有年之司員充補如外部人才不敷再由各該省

揀員請補聞此說業有成議俟商各省督撫定奪後便可實行  
●改鑄金幣延期○財政處議鑄金幣已詳各報近聞部議以  
中國存金無多若竟購自外洋未免又利權外溢現擬暫令市  
面通用條金所有改鑄金幣一事權行從緩  
●軍機處調查案卷○日前慶親王諭令軍機處京查齊各項  
案卷分東清鐵路事宜各省礦務合同及東三省防務案卷詳  
細彙集另開清單送備考核  
●嚴防奸宄○外城巡捕局因時值冬令捕務吃緊刻下所有  
巡捕多未畢業不敷各段分派故仍由差軍門撥派兵弁協同  
彈壓每夜十一鐘後凡有行路者皆必詳細查問以防奸宄而  
安閭閻

本省新聞

●官示彙誌○臬憲批示 天津縣監生高壽昌來司呈控一  
案爾子若果於三月十九日被沈仲五用洋鎗擊斃何以爾初  
呈抄送警察官責逐爾子告示是在是年七月十一日爾接爾子  
危電又何以在七月十八日以此相證則爾子之不死於三月  
十九日顯然可見何用開棺檢驗爾子究竟因何服毒自盡  
既經前司批飭張家口廳萬金縣會訊詳辦一俟該廳訊明  
詳覆到日再奪毋庸多瀆甘結發還  
△其二○具控南和縣民人甯富來司呈控一案查此案縣  
詳已據爾到案供明爾弟甯福實係自行在井取飲凉水陡  
患腹痛暴病身死甯小四並未給食洋煙灰出甘結可憑又有  
甯張氏甯杜子等供詞可證今爾呈稱爾弟被甯小四吃飯  
時下藥毒斃不特與縣供兩歧又未能指出確切證據顯係飾  
詞妄控至稱伴食賄賂弊以爲可以聳聽殊不知驗報雖由伴  
作尙須縣官覆驗無從混弊據該縣驗明爾弟手心脚心均  
是黃色因病身死尙尙有何疑如果另有別故該府近在咫尺  
豈亦無所聞何致將爾呈批駁所呈不准  
●保定優級師範學堂牌示○照得各屬設立初級師範教員  
需人外省亦時咨請撥派教員爲此仰第四班學生自下星期  
停止上課仍按授課一定時間赴附屬小學堂實習教授法及  
監理法聽候學務處陸續酌派特示  
●保定武備學堂牌示○爲牌示事照得學生假期逾限久有  
禁令不啻舌敝唇焦各生應如何恪遵何得明知故犯查各生  
請假均係任意逾限其不遵命令莫此爲甚若不明定罰章不  
足以昭炯戒由九月初一日起凡假期逾限半日者罰銀一錢  
逾限一日者罰銀二錢逾限多日者照每日罰銀二錢遞加其  
逾限三日至五日者除罰銀外應記過一次五日上照每日  
加記過一次此係因內中曾有來信續假未經允准者情有可  
原暫時從輕辦理俟擬定章再行遵照辦理茲將逾限各生  
分別懲罰特示

增聘東三省北京保定本埠訪員

本館聘訪友已登報前惟本報宗旨尤注重北方現亟擬添  
請以上各處訪員如有願承此乏者乞先酌寄新聞俟本館認  
定後當專函延聘厚贈薪資用酬雅誼 本館謹白







**太古火險公司**  
本行保險一業秉  
至公久爲中外仕商  
所稱許所代理之公  
司皆英國著名之家  
也無論城鄉內外均  
可代保如機房住宅  
棧房鋪店及貨物家  
具衣服等家件欲保  
火險者請到紫竹林  
本行商酌保費格外  
公道  
太古火險



各省新聞

東三省

◎師範生試案揭曉 日前招考師範生現已由學務處發榜揭曉正取四十七名并師範傳習所十名十月初一日進校至附取五十五名并師範傳習所五十六名則定於明年正月間進校肄業

◎委派商務總辦先聲 前經次帥奏調之彭觀察已於日前到省稟見晤談良久聞次帥以奉省商務總辦一缺尚未得人夙知觀察長才可倚故擬委派是差以資整理云

◎飭辦警察 次帥蒞奉後最注重學堂警察兩事日前已派錢觀察為學務總辦因之學界日有起色茲又派陳觀察希賢總理全省警察觀察蒞任後當即通飭各州縣一例與辦矣

◎商船被劫 客商雇民船自煙台開往濰河與羊角溝者甚為繁盛前日有某貨商行至太平灣地方突遇賊船大肆劫掠聞此次所失貨物約值二十萬金之譜

◎委員查收棉花陋規 東昌府魏太守梅村稟請將唐館兩縣棉花陋規由府派員抽收茲聞已札委丁大令其廉潔帶告示聯票前往開辦於九月十七日開局並酌委分府當差佐貳五員隨同查辦所有唐邑館陶兩縣各集場一律由局接辦照舊徵收

◎招考師範新班 濟南師範學堂肄業生連成甲班早經畢業茲復有連成乙班百餘人於上月二十八日考試畢業准月抄招考新班定章各州縣中送學生一名歲解學費銀六十兩非中送者則須自備學費現聞各州縣生監在省候試者已有數百人而自願自費入學者亦不少也

◎河南 籌款開辦織綢機廠 河南各邑所產絲綢向推密縣之織造為最上品以其細緻厚重遠出魯山南陽諸邑上也然物品雖佳售價較貴故銷路不能興旺推原其故實為人力織造成本太重所致茲商人張某因特考求新法擬用機器自行開廠製造成本既輕獲利自厚刻已籌集股本銀一萬兩即在密縣城內擇地建廠並派人赴滬購取新式織機不日即可開張出貨云

◎委辦河北礦務 河北礦務自韓觀察國鈞去後委懷慶府李太守暫理奈與局中委員不合諸事掣肘昨據陳小帥改派河北道馮觀察光元總辦其事

◎火車定期暢行 黃河橋工告成定於十月十六日祭河後車行三日每車頭帶車二輛至暢行之期聞須在明年正月間也

◎飭催修完開封支路 開封至鄭支路現正趕修該公司頃奉路政大臣來文飭於年內務宜一律修完以便通行而節靡費

◎拿獲私販銅元 歸德府與徐州府相距甚近有商人私販江南銅元行銷汴境為歸德府李太守廷瑞訪知密飭商邱永

城兩大令速為嚴拿頃聞拿獲四人供稱各帶江南銅元數十萬來汴私售現在尚未銷完大約此事必須嚴懲云

◎防營移駐象山 駐紮鎮江常備步兵第四營第三營現奉兩江督練公所飭赴象山防次駐守因該處舊有新湘營已調往江陰故也

◎巡警軍改營為隊 駐鎮巡警軍即新兵前營前經某教士代為函請江督免予編改已奉復函聲明軍政無庸外人干預刻下兩江督練處查得該軍有兵三百人約數兩隊堪以留防鎮地爰即照章編改所有舊管帶陸如仙副將仍以充總隊長之選其職分與管帶相符云

◎稟請改設師範學堂 蘇撫陸春卿近據常州府紳士錢振鏞等稟改書院為師範學堂茲已由春帥批准其詞錄下 據稟並章程均悉科舉既停自以急求師範為興學入手切要之義而師範取材尤以舉貢生員學有根柢者一經研究較為易功所陳不為無見至經費即以書院膏火實與公庫分別撥充以公濟公自應如稟辦理仰常州府訊即移會武陽兩縣紳董刻日督同籌議妥協詳候核奪飭遵仍候督部堂學憲批示

◎勸視鳥龍山營房基地 江甯府屬划子口對過之鳥龍山本為金陵下游門戶築有洋式砲台守以防兵深資鞏固現在江督周玉帥札參謀處徐鎮軍前赴鳥龍山勸視營房基地以便繪成圖式估款重修

◎安徽 職商稟開煤礦 皖省職商吳君潤照擬開東流縣大楓山煤礦具稟商務局請代咨部立案當奉審觀察核批示飭縣查勘情形詳覆核奪

◎煤礦售歸晉康公司 蕪湖晉康公司前租開繁昌縣屬強家山煤礦與該處紳民結訟已歷數年茲經該紳王崑山等具稟商務局願將強家山所開煤礦售與晉康公司計價銀四百七十兩業已批准

◎示禁捏造偽契 蕪湖縣沈大令日前出示曉諭居民界謂燕邑為通商口岸華洋雜處買賣產業時所常有本縣訪聞有不肖奸徒往往捏造偽契從中串騙甚至一地兩售糾葛滋多迨後互相爭執訟公庭致難究詰弊實不勝枚舉此項惡習將來密查得實自當從嚴提辦第念小民無知不忍不教而誅特先出示曉諭爾等置買產業當先驗明賣主執業赤契分清界址四至方可憑中立契成交違例投稅而賣主亦不得指鹿為馬勾同奸徒從中串騙盜賣自示之後倘有前項情事或被永告發或經查出定即照例從嚴懲辦云云

◎浙江 永嘉縣招募包探稟批 照得本邑五方雜處良莠不齊案情百出變幻離奇其中微奧每不能透澈以致無從按實加之斷案者只求敷衍兩造摸稜了事辦案者亦捕風捉影不嫌羅織無辜被押累月經年有罪潛形吞舟漏網捕役馬快相沿已久積久生疲疲生玩不測之雷響不足以振其聾瞶非常

之實實不足以提其精神甚為養賊自利而無懼代賊受刑而無悔此等敗類本不列於齊民無從責其廉恥是非改弦更張何能新耳目而返積重卑職籍隸松江居上海每見租界之內無論何等案情無不立時破獲推原其故皆因設有包打聽名目地方熟習信息靈通觸類旁通通深索隱無論何等人色皆可投充無論何處案情皆可緝捕卑邑雖僻處海隅若能仿照辦理招充包打聽數名試先認辦一兩案合法者再行月給薪工英洋十元能破重案者另賞久而無功者革名亦斷不輕加刑責以重廉隅而端人才未始非辦理案情之一助是否有當理合先將招充包打聽情形酌擬章程開具清摺肅請稟報仰祈 憲台察核俯賜批示祇遵實為公便 附錄章程 一投充者須具身家清白保給 一上堂打拱不跪立而回事 一稱堂上為縣主自稱為包探 一設公所於縣署附近以便差遣 一准商民至公所託探案件 一應輪班直日不離公所 一所需經費悉由縣捐撥發給 奉道憲批閱稟暨章程尙屬妥洽具見該令整頓捕房辦理認真深堪嘉許仰溫州府飭即招募包打聽數名先行試辦如實有成效即行給予薪工以資鼓勵但需隨時查察以杜借端滋擾之漸耳

◎匪情續誌 昨報嘉防剿匪總辦官兵馳勦一節即茲署撫瑞軍帥於初八已刻接海甯州郭牧電稟謂探悉匪黨大幫現竄擾大毛(離海甯州城五十五里)當會商武備小隊管帶官蜜派安弁馳驅李統領該軍早得偵報已嚴隊開赴該處痛勦矣職本欲請武備小隊續往奈州城空虛萬難調動擬請李統事另調駐長安之練軍一旅三哨星夜赴援云

◎懲儆撞騙 浙省新選台州府張太守西園由都來杭行裝甫卸即有劉繼黎者自稱省書為之照料旋隨太守赴潘轅稟到潘以部文指留勒索房費太守以關繫鄭重恐被損失急即告知錢塘縣江大令查得劉劉潘轅長班之夥專以誘騙新到官場為生已非一次因即拘案吊出原文另行投遞外將劉發押稟知潘憲嚴懲以昭炯戒

◎福建 英領事照會江津龍道公文(為請飭海澄縣解散匪徒保護教堂事) 為照會事案據本國修教士真海澄縣轄沿海一帶忽起江湖會煽惑愚民仇教一案准華歷七月二十八日照復內開以海澄縣屬令適值因公在郡即將來文發閱囑令同澄趕緊查解散并再札府轉飭迅速查究等由在案茲據該教士等稟稱海澄易大令奉札之後不過派差二名到鄉查詢以並無會匪回報了事茲該匪徒愈結愈多專與教會為難勢頗猖獗懇為照請解散保護等情據此查此項會匪於三四年前已在該處勾結滋鬧專仇教會有大帽山之搶案可稽茲又煽惑數年想匪風較前更熾誠意中事也且本領事前在福州任內於古田甯匪一案早請地方官先事預防無如辦理不力卒至釀成大案而後已即此可為前車之鑒茲准前由合再照請貴道希嚴飭海澄縣務須詳細查察妥為解散將所有教堂教民產業生命切實保護幸勿稍懈為荷須至照會者

◎閩紳會議學務 閩紳陳閣學伯潛日前鳩集各紳開議本省學務是日到會者五十餘人探所議係擬就省城設立初等小學一百區所有經費除學務處每區認給津貼二百元外均由各紳擔任云

◎願將地基充公興學 同濟堂侵佔淨土庵地基甚多現經紳士劉某等具稟督轅情願將該地基充公以備開辦學堂之用業經張宮保批准並仰關道札飭夏口廳前往查勘等情繼經奉札後刻已遵照知矣

◎漢皋大火 初八日十一點鐘時漢口福建會館右巷三義泉茶館因長炊遺火積薪至兆焚如時值狂風大作其勢不可向邇雖經各善堂水龍設法灌救約燒四點餘鐘之久計燒前後路約三里戶口萬餘家并焚斃傷人口三百餘名可云慘矣

◎請加學額未允 道台所設師範學堂原定漢陽三十名黃州三十名德安三十名商籍三十名共計一百二十名惟德安府屬投考甚少學務處酌減十名近有生員張如常等聯名稟道懇加由繼運溪觀察批示未允飭俟他學開考再行咨送以遂其志

◎湖南 續招學生 求忠學堂開學在即現尚缺額數名應行補考該學堂監督擬由前此批送中途挑送各生內收錄昨已申詳學務處批允飭辦

◎稟請調兵鎮壓兇黨 前有湘鄉縣民劉仲甫等以挾嫌抄搶具控劉太均等一案經縣主顧大令少耕查勘劉太均等強橫不法情形詳稟撫轅請兵彈壓奉批懸賞嚴拿須須兵力鎮壓再行稟候核奪等因大令遂加懸賞購線密拿旋據練勇將劉太均之弟劉太嘉拿獲正在會勇協解詎劉太均即鳴鑼聚黨截圍奪去更向劉仲甫兄弟數家聚眾圍屋晝夜猛攻改打毀屋宇焚燒屋內契據各物幸家屬趕奔逃赴縣呼訴惟劉仲甫有一幼孩不知下落赴救者亦多受傷現經大令稟報撫轅暨兵備處請予調發營旗下縣鎮壓並聲明至少亦須百人且須稍帶槍械以助聲威云云

◎廣東 飭差詳查試寓 城內各屬書室試寓林立原為各族子弟來省應試藉得棲止邇奉停廢科舉試寓不免致空茲聞兩番兩縣惡票差協各街地保將所有書室試寓等查係何屬何姓寬闊若干刻日詳稟以憑轉候核辦至因何飭查之處容當續報

◎粵督咨行變通捐章五條 粵督岑雲帥奏請變通捐章五條已由戶部議覆奉准咨行到粵查照辦理 一舉人五貢捐內閣中書等官以及改捐降捐捐項等名目 一捐免驗看佐雜各官 一推廣廣增附貢捐復設訓導等官 一推廣實監捐光祿寺署正典簿太常寺典簿兵馬司司目等官 一七項減常捐成



各國新聞

●法大之調動 法政府將大臣義田尼授為兵部大臣杜畢提授為內政大臣提授為商務大臣其他數大臣均仍舊供職 譯天津益聞西報

●法政府擬選議員 法政府現定於一千九百零六年一月七號在議院選舉新議員 譯天津益聞西報

●日俄和約於韓國之關係 東世界報云日前日俄兩國所定之約條其中多有關係韓國者現韓政府尚未認可 譯天津益聞西報

●日本東北收成減色 韓國日日新聞云現在日本東北方禾稼今年收成甚為減色恐該處人民將有缺食之虞現日本該處之官長極力設法補救擬將韓國所產之米並自他國進口之米運往該處以免人民遭饑饉之苦 譯天津益聞西報

●韓民苦狀 韓政府現下令禁止民人着戴白帽奈該國窮苦之人甚為艱難至有欲籌出一分洋元購置黑帽者無從其苦狀真不堪彈述矣 譯天津益聞西報

●日本撤退韓國駐兵 現日本政府將駐韓之日兵除永遠駐紮要處之外其餘一切駐兵於西十月間一律撤退現該兵隊已由韓國啟程凱旋矣 譯上海文匯西報

●日皇後獎勵日兵 現日本皇后將親手所製之布帶二十箱分賞從事之兵士該兵士等得賞之時甚為欣悅至有感激涕涕者 譯天津益聞西報

●日艦水手殞命 日前日本某艦一艘在橫濱附近之茂投馬士(譯音)地方因機器蒸氣過猛以致汽鍋崩裂水手共五名死四名傷一名 譯天津益聞西報

●三吉中將歸國 十月初八日日本陸軍中將三吉已由高麗東北行抵東京計陸軍統領戰勝回國者以此為最先

●遼陽總督行政廳開署 日本在遼陽總督之行政廳已於十月初五日開署

●荷國捕獲悉利畢亂首 悉利畢亂黨之領袖哥瓦已被荷國官員所捕 譯上海文匯西報

豫撫陳等奏科舉已停議設尊經師範學堂摺

奏為科舉已停議設尊經師範學堂摺 旨會同籌議擬設尊經學堂及師範傳習所以保國粹而廣師資恭摺仰祈 聖鑒事竊臣等恭讀本年八月初四日 上諭袁世凱等奏請立停科舉以廣學校並妥籌辦法一摺著即自內午科為始所有鄉會試一律停止各省歲科考試亦即停止並著責成各該督撫實力通籌嚴飭府廳州縣趕緊於城鄉各處編設小學堂等因欽此又恭讀八月初六日 上諭昨已有旨停止歲科考試專辦學堂所有各省學政均著專司考校學堂事務會同督撫經理等因欽此仰見 皇太后 皇上興學育才殷殷求治

之至意欽佩莫名臣等竊維孔孟之教炳如日星千古不易後世強分之曰經學理學經濟文章而其根柢無不本於經學我朝表章經術超越前古 聖祖仁皇帝 御纂周易折中欽定書經詩經春秋彙纂廣學官道乾隆朝 欽定三禮義疏詩義折中復風示海內立之標準語其精粹則歐西哲學家皆自以為弗如遠甚夫經學者 朝廷教化之原而 國運所視以為盛衰者也今者迭奉 明詔飭各省建立學堂固已樹啓迪之先聲得育才之要道矣然學堂分設科目力求通達時務究未能專心經學是以奏定學堂章程京師大學堂內設立經學專門暨政法文各分科並特設通儒院以示優崇而此次督臣袁世凱等原奏內之切要辦法即首在尊經學義請 飭下各省督撫學政責成辦理學務人員注意經學暨國文國史是雖奏請停止科舉而於中學固尤加之意也惟是經義與博學軸浩繁而學堂暑刻有限僅能通習大義而已若欲博綜精研必入大學專門然後得從事於此通儒院規模雖闊勢不能舉海內嚮學之士悉容納於其中倘非各省廣為擇多力提倡坐令四方老宿暗首窮經而不能證明心得以為 國家致用良足惜也況當此振興學術之際設積學考成之士因不合時宜廢然自棄人皆曰經學為迂疏不復專心致志以漸窺作述之精意第恐舍本逐末不數年而國粹蕩然矣然則為今之計尤以培植經籍之士以保存國粹為先務應略仿通儒院之意於省會設立尊經學堂以為通儒院之基礎查河南省城舊有大梁書院臣等查上年改為大梁校士館曾經查明學務處戶部禮部查照在案今科舉既停諸生應歸師範學堂肄業而督臣袁世凱等原奏內又有擬令各省督撫學政每年一次保送舉貢入京考試之語擬即改大梁校士館為尊經學堂專考取通省舉貢入學肄業暫以百人為額俟籌有餘款再行擴充此項舉貢畢業時擇其最優者咨送學務大臣考驗合格量予獎勵並升入學堂各分科學日後遞升通儒院地步仍由臣等隨時考察習知其學問品行將來三年保送時亦有所選擇不至濫舉又念教育之方期于普及此後各屬學堂日益加多其取資於師範者甚眾不為豫儲於平日必至闕乏于臨時現在省城初級師範學堂雖經開辦各屬尚待推行誠恐需以歲時緩不濟急應即遵照原奏設立師範傳習所以造就之查省城有明道書院一區原係前任學臣邵松年奏設向由學臣調取各府州縣高材生前來肄業每年用款僅二千金半係由山各屬捐助者臣等到任後即欲改為師範學堂以款無可籌旋議旋止今既停止科舉而以以前生員仍奉 旨量予出路擬即改明道書院為師範傳習所專調各縣積學生員考取肄業暫習簡易科先以百人為額其考取名次在額外者以次傳補俟款充裕再行推廣一切辦法即遵照師範學堂簡易科章程由臣等隨時考核總期師資日廣以儲真才而收實效以上二端臣等再四踴躍意見相同豫省近年籌款固已難堪一空如樹人至計桑土遠謀無論如何拮据不得不先其所急伏查科舉既停所有科場經費除例銷外均係出自各屬攤捐擬即酌撥備用如有不敷仍飭司道竭力籌措以期明年正月開學一面嚴

津報第十四版

直督袁奏常備軍收支款餉報銷摺

奏為核明常備軍二十九年分收支餉雜各款列為第二屆報銷摺摺具陳仰祈 聖鑒事竊照常備軍二十八年年分收支餉雜各款經臣核明繕具清單奏銷在案所有廿九年分收支餉雜自應接續造報以符定章經臣查明應支各款及官弁兵丁銜名造冊咨部立案現經核明常備軍總糧之營務處左鎮兩協六標二十營右鎮一標四營並糧餉軍械軍醫各局暨軍樂隊廿九年分開支餉雜各款列為第二屆造冊報銷計舊管新收淮軍練軍營制兵節餉抽收煙酒稅及酌提鹽斤加價等款共庫平中湘平銀一百九十二萬六千七百四十二兩五錢四分九釐二毫登除武衛軍軍餉及常備軍建蓋營房應歸另案造報共銀三十四萬七千六百九十二兩五錢三分二釐三毫開除正餉雜支造歸戶部核銷銀一百三十一萬二千五百五十五兩五錢五分九釐造歸兵部核銷銀二萬七千四百六兩一錢六釐造歸工部核銷銀三十萬二千七百一十四兩九錢四分四釐一毫經臣設法挪墊歸入下屆撥還滾接造報據糧餉局司道造具清單詳請奏前來除清冊先期咨送練兵處及戶兵三部查照外理合繕具清單恭摺具陳伏乞 皇太后 皇上聖鑒敕部核銷施行謹 奏奉 硃批該部知道單併發欽此

文苑

獨誦遺詩  
七夕有憶  
瓜果南樓夜雙星發錦車螢光上桐葉露氣濕荷花畫燭橫屏背銀河落戶紗所思千里在何以慰天涯  
訪招隱寺  
晨鐘招隱寺石滑路天斜馬過留霜跡林開見日華一泉通鳥徑雙湖發幽花欲飲渾無計前村問酒家  
夜坐有憶  
斜風吹過雨新月上清輝露坐庭陰下秋深暑漸微移床邀客臥籠火送人歸早願南鴻至江湖近信稀  
耳村晚泊  
維舟傍淺沙隔岸問漁家深柳隨溪曲開門趁水斜榜人敲石

小說

黑面塔 (冷譯) (續)

今試述之據電文云  
世界上有一不可思議之怪島其在何方洋面及經緯何度均未深考惟其島中有海賊九人此九人具有一種勇猛無前之能力並有一種變幻不測之奇術凶暴悍狡點點敏捷不時出沒洲嶼間任意肆毒或轟沈船隻或遠至亞美歐斐各海岸劫殺旅人其容貌舉動似人非人似獸非獸學者推之此九人當是古代之大佛將進化於人類而尚未全脫其本相者故所為之事亦在人獸參半之格  
又云  
九人所棲之島據學者推之其相接之大陸必在大洋深處面積甚廣南岸天氣溫熱草木繁茂物產豐富貿易極盛而西北岸則山海荒僻天氣地瘠殆數百年來未有人跡之所而其島即在此荒僻之海濱與大陸似連非連彼海賊或即居此亦未可知  
又云  
九人者雖兇戾無人性卻有一種不可思議之迷溺平時常崇拜一怪誕之神靈曰海王者九人共誓效以罪孽深重不得不痛自懲悔以求海王保護又每年必為報賽之舉時備物祭享羅列珍錯然又有一種怪異之敬意乃其報賽之際必搜求今世界中第一美人於某年某月某日某時自島中高山絕壁之頂投入海中以供海王之享御不知其為妾媵耶魚肉耶而美人則犧牲矣悲哉  
又續電云  
數年以來英法沿海之美人被掠者屈指已有五六初尚不知何往繼而有航海者逐漸追察畧得踪影尚未能悉悉其底蘊惟我本報深憫此不測之凶故忠告全世界人民概宜注意凡有女兒之家均宜慎防譬如有大猛獸出於世界來去無跡忽如風深閉弱質不啻乳羊之喂虎甚可畏也此平地風雷亦曾傳至我國至於今日使余與余友遠離鄉井蹈不測之重險者為此故也然不知海賊究在何處恐余等二人勢孤力薄不知能達我等所志否耳 (未完)





